

Diskan!. Tridomp gant levenez:

Jezuz a zo leun a vuhez,

Kanomp Alleluia!

1. D'an trede deiz ez eo savet - Alleluia
Evel m'en devoa diskleriet - Alleluia (bis)
2. Trec'het en deus war an Ankou
Brevet en deus e chadennou
3. Merc'hed a oa aet mintin-tre
Da valzami Korf Mab-Doue
4. Ne oa er bez korf ebet ken
Beo-buhezek e oa Mab-den
5. Daou abostol, p'o deus klevet
Buan d'ar bez o deus redet
6. Sant Yann, skanvoc'h e zivesker
En em gavas araok sant Per
7. Eun ael e gwenn 'laras d'ezo:
Ho Mestr karet n'eo mui maro
8. D'e ziskibien 'n em ziskouezas:
"Ar peoc'h ganeoc'h!" a lavaras.
9. Sant Tomaz ne oa ket en ti
Ha ne blege ket da gredi.
10. Eun deiz ma oa ganto Tomaz
Jezuz adarre a zeuas
11. "Gwelit toullet gant an houarn
Va zreid, va c'hostez, va daouarn"
12. "Lakit ho piz em femp gouli
Na jomit ken da ziskredi"
13. Tomaz a gouezas d'an daoulin
'N eur larout: "O va mestr divin!"
14. "Eürus ar re o deus kredet
Araok zoken beza gwelet
15. Kanomp hep paouez da Jezuz
Kantikou drant ha dudius !

